



**EVANGE=||LIA || QVAE CONSVETO || MORE DOMINICIS ET ||
alijs Festis diebus in Eccle-||sia leguntur**

Aemilius, Georg

COLONIAE, 1555

Dominica Ocvli. Evangelivm Lvcae XI.

[urn:nbn:de:hbz:466:1-69317](https://nbn-resolving.org/urn:nbn:de:hbz:466:1-69317)

DOMINICALIA.

Sollicito talem depromens pectore uocem:
Respice me miseram Deus, & succurre precanti:
Si non uis matris, natæ miserere dolentis.
Gratia si natæ leuis est, succurre parenti,
Atq; duas uno clemens in corpore serua.
Ille uidens toruum dictis respondet amaris:
Improba quid toties uana me uoce fatigas?
Non est consultum natis subducere panem,
Indignisq; manu stolidæ præbere catellis.
Territa non cedit mulier, sed talia reddit:
Vera quidem dicis mundi Saluator Iesu,
Sed tamen à mensa Domini si mica resultans
Decidat, haud paruis est interdicta catellis:
Nec prohibet quisquam cupido legisse palato.
O mulier tua magna fides, respondit Iesus:
Cuncta tibi fiant tali quæ corde petisti.
Vade domum, saluamq; tuam complectere natam,
Quæ tibi præsentem uiuit sanata sub horam.

DOMINICA OCULI.

EVANGELIUM LVCAE XI.

ARGUMENTVM.

Demonium muto eijcitur, maledictaq; Christus
Diluit, & quæ sit turba beata docet.

D 3 De

EVANGELIA



DAemonium uirtute Dei pellebat Iesus
 Ex homine obseſſo, cui uocis ademeral
 Spiritus immundus: qui poſtquam ceſſit ab illo,
 Continuo mutus coepit ſermone proſari,
 Munere pro tanto Chriſto praeconia reddens.
 Admiratur opus Domini pia turba potentis,
 Quae tum forte aderat miracula talia cernens.
 Aſt alij ſtudio caeleſtia facta maligno
 Talia carpentes Chriſto conuicia dicunt:
 Demonas expellit uirtute Beelzebub iſte,
 Spiritum paret cui ſubdita turba mimorum:
 Hinc illi cedunt, & tradita iuſſa capeſſunt.
 Tentantes alij de caelo ſigna petebant,
 Credere tum demum quaſi poſt miracula uellent
 At Dominus mentes tacitas cognouit eorum,
 Utq; redargueret prae conuicia linguae,

Talia

DOMINICALIA.

Talia mox turbæ respondit uerba priori:
Omne quod inter se diuisum cœperit esse,
Destruitur firmumq; nequit consistere Regnum,
Et domus una cadens aliam super acta recumbet:
Sic etiam Satanas, sibi si contrarius ipsi est,
Qua ratione suum Regnum seruare ualebit?
Dicitis idcirco falsum, me pellere nigros
Dæmonas inferna Satanae uirtute potentis.
Non Satanas pellit Satanam, sed protegit illum,
Ipsius ut Regni maneat firmata potestas.
Si tamen efficio uirtute Beëlzebub ista,
Dicite quo uestri faciunt in nomine nati
Talia? num plenos quoq; Dæmonis esse feretis?
Illi iudicium debent proferre super uos,
Vestraq; de nostris damnabunt crimina factis.
Ast ego si digito Domini de corpore pello
Dæmonas humano, cælestia regna profecto
Ad uos perueniunt, quæ suscepisse decebat,
Nec tam uesanis conuicia promere uerbis.
Atria custodit quando sua fortis in armis,
Tunc in pace manent, quæ possidet ille, quieta:
Fortior at si quis ueniens deuicerit illum,
Auferet arma uiro, quibus est confidere suetus,
Diuidet et forti spolia acquisita duello.

D 4 Qui

E V A N G E L I A

Qui non est mecum, contrarius esse uidetur:
Colligit & qui non mecum, dispergit inanis.

Spiritus infestans hominem si quando reliquit
Improbis, abscedens loca per deserta uagatur,
Et requiem querit, si non tamen inuenit illam,
Sic sceleratus ait: rursum mea tecta subibo,
E quibus egressus fueram, quæq; antè tenebam.
Protinus adueniens ubi mundam repperit intus
Esse domum, scopis puram, uarièq; decentem:
Tunc iterum uadens assumit Dæmonas unâ
Secum alios septem, peiores scilicet ipso,
Adducitq; simul: mox ingrediuntur ouantes,
Et uelut obfessa leti dominantur in aula,
Nequitia omne genus per singula membra ciuentis
Deteriorq; hominis fit sors postrema priori.
Tales diuino cùm funderet ore loquelas,
Et Satanam contra Christus uigilare moneret,
Ne semel eiectus sub limina sueta recurrat,
Audijt in medio dicentem fœmina coctu,
Concipiensq; nouos imo sub pectore motus
Sustulit exclamans talem de gutture uocem:
Felicem ô uentrem, qui te portauit, Iesu:
Vbera & ô nimium plus terq; quaterq; beatâ,
Que puerum matris gremio pauere iacentem.

Rettila

DOMINICALIA.

Rettulit at contrà Christus: magis imò beati,
Qui uerbum Domini accipiunt retinentq; fideles,
Hos promissa manet celestis portio Regni.

DOMINICA LAETARE.

EVANGELIUM IOAN VI. CAP.

ARGUMENTVM.

Millia quinq; uirum per panes quinq; duosq;
Implentur pisces, Regnaq; Christe fugis.



Talibus exactis Galilæi transijt undas
Aequoris, ingrediens cōtraria littora Christus
Maxima quem populi comitantis turba secuta est.
Nam benefacta Dei mirandaq; signa uidebant,
Quæ super infirmos peragebat uoce potenti.
Protinus in montem celsum conscendit Iesus,
Atq; ibi discipulos inter de more sedebat.
Festa dies Paschæ Solymæ gratissima genti

D S Non